

Sakspapir

Saksbehandlar	Arkiv	ArkivsakID
Helga Ellingsen	FA - G00	14/842

Saknr	Utval	Type	Dato
014/2016	Formannskapet	PS	16.02.2016
003/2016	Kommunestyret	PS	24.02.2016

Folkehelseoversikt Masfjorden kommune 2015

Vedlegg:

Journalposttittel
Folkehelseovers

Dato
09.02.2016

Rådmannen sitt framlegg til vedtak:

Rådmann tilrår at folkehelseoversikt blir tatt til vitring.

Saksopplysningar:

Bakgrunn

Kommunen skal utarbeide eit samla oversiktsdokument kvart fjerde år som skal ligge til grunn for det langsiktige folkehelsearbeidet, jf. Forskrift om folkehelse §5. Oversiktsdokumentet skal ligge føre ved oppstart av arbeid med planstrategi etter plan- og bygningslova § 7-1 og § 10-1.

Oversiktsdokumentet skal vere allment tilgjengeleg slik at frivillige organisasjonar og befolkninga får tilgang til informasjon som grunnlag for å medverke i beslutningsprosessar som har betydning for folkehelsa jf. Forskrift om oversikt over folkehelse § 8.

Oversikten skal identifisere folkehelseutfordringar og ressursar. I tillegg skal den innehalde faglege vurderingar av årsaksforhold og konsekvensar. Kommunen skal særleg vere merksam på trekk og utvikling som kan skape eller oppretthalde sosial og helsemessige problem, eller sosial helseforskjellar.

Vurdering:

Folkehelsearbeid er eit stort område som påverkar alle tenestene og heile lokalsamfunnet. I 2014 vart fyrste utgåve av folkehelseoversikt godkjent i kommunestyre, men dette var ikkje eit systematisk og samla oversiktsdokument.

I 2016 skal kommunestyret vedta ny planstrategi for dei neste fire åra, og i den forbinding skal det

utarbeidast eit oversiktsdokument for folkehelse. Rådmann sette ned ei tverrfagleg arbeidsgruppe i 2015 som har utarbeida dette oversiktsdokumentet.

Arbeidsgruppa har bestått av;

Helga Irene Ellingsen - Folkehelsekoordinator, leiar for helse, omsorg og sosial

Anne Kristin Rafoss - Rådgjevar

Marta Midtbø - Helsesøster

Inger Marie Duesund . Styrar barnehage

Alf Strand - Leiar oppvekst

Rolf Tande - Kommuneoverlege

I forskrift om oversikt over folkehelse § 3 er det eit krav at oversikta skal omfatte opplysningar og vurderingar av:

- Befolkningssamansetning: Innbyggjar tal, alders- og kjønnsfordeling, sivilstatus, etnisitet, flyttemønster.
- Oppvekst – og levekårforhold: Økonomiske vilkår (andel med høg – og låg inntekt, inntektsforskjellar), bu – og arbeidsforhold (tilknytning til arbeidslivet, sjukefråvær, uføretrygd), og utdanningsforhold (andel med høgare utdanning, fråfall i vidaregåande skule)
- Fysisk, biologisk, kjemisk og sosialt miljø: Drikkevatt – og luftkvalitet, nærmiljø, tilgang til fri- og friluftsområder, sykkelvegnett, antal støyplager, oversikt over smittsame sjukdomar, organisasjonsdeltaking, valdeltaking, kulturtilbod, sosiale møteplassar.
- Skade og ulykker
- Helserelatert åtferd: Fysisk aktivitet, ernæring, bruk av tobakk og rusmiddel, risikoåtferd som kan gi utslag i skader og ulykker
- Helsetilstand: Informasjon om førekomst av sjukdomar der førebygging er viktige som psykisk lidingar, hjerte – karsjukdomar, type 2- diabetes, kreft, kroniske smerte og belastningssjukdomar, karies.

Arbeidsgruppa har hatt regelmessige møter i løpet av 2015, der ein har utarbeida statistikk, vurdert og sett på årsaksfaktorar. Det har ikkje vore arrangert folkemøte i forbindelse med dette dokumentet, fordi dette skal vere in oversikti over folkehelse og ikkje ein folkehelseplan. Oversiktsdokumentet skal vere basert på fakta og fagleg kunnskap, og arbeidsgruppa har henta dette frå:

- Opplysningar som statlege helsemyndigheiter og fylkeskommunen gjer tilgjengeleg
- Kunnskap frå dei kommunale helse – og omsorgstenestene
- Kunnskap som faktorar og utviklingstrekk i miljø og lokalsamfunn som kan ha innverknad på befolkninga si helse

Arbeidsgruppa har arrangert eit møte med ungdomsskuleelvane i samband med ei MOT samling (20.11.15). På dette møte informerte ein om folkehelse, og fekk tilbakemeldingar frå ungdomen som ein også har nytta i utarbeiding av dette dokumentet. Ungdomane gjennomførte ei anonym undersøking om kosthold og levevanar. Dette for at kommunen skulle få kunnskap som kunne brukast i oversiktsdokumentet.

I det vidare arbeid med å halde jamleg oversikt på folkehelse må kommunen å vurdere om ein skal ta i bruk meir systematiske kartleggingsverktøy, som «ung data», brukarundersøkingar, levekårundersøking m.m.

Folkehelseoversikt er eit stort dokument. Det vil heilt sikkert vere noko som manglar, eller noko meir som skulle vore med. Dette dokumentet skal vere eit «levande» oversiktsdokument. Det vil sei at kommunen må oppdatere statistikk og andre moment etter kvart som det blir tilgjengeleg, slik at ein jamleg kan fylgje folkehelseutviklinga .

I det vidare arbeidet med folkehelse i kommunen vil arbeidsgruppa føreslå at det IKKJE vert oppretta eigen folkehelseplan, men at folkehelse blir innarbeida og vurdert i alt kommunalt planarbeid.

Konklusjon:

Rådmann tilrår at folkehelseoversikt blir tatt til vitring.

Formannskapet - 014/2016

FS - behandling:

Ordførar Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vart samrøystes vedteke.

FS - vedtak:

Folkehelseoversikt vert tatt til vitring.

Kommunestyret - 003/2016

KS - behandling:

Ordførar Karstein Totland orienterte kort.

Saka vart drøfta.

Helse- og omsorgsleiar Helga Ellingsen møtte til denne saka, ho kommenterte innlegg og svara på spørsmål.

Røysting:

Framlegg til vedtak frå formannskapet vart samrøystes vedteke (16 røyster).

KS - vedtak:

Folkehelseoversikt vert tatt til vitring.